



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1844

XXIV. Graf Ulrich verkauft der Stadt Neuruppin das Eigenthum des Dorfes Treskow, im Jahre 1395.

[urn:nbn:de:hbz:466:1-54407](https://nbn-resolving.org/urn:nbn:de:hbz:466:1-54407)

fye dat en jewelken kundegen laten: wy dat vorfumat unde dar nicht en kumpt, dy feal wedden an den meytteren fees pennighe. Worde he aver twye eder drye dar thu vorbodet, unde he en med homude eder med vorfate vorginge, funder redeleke hulperede, dye feal vorlezen dye Inninghe unde Kumpanye, ofte he fye nye ghehad ne hedde. Ouk welk erer eyn den andern wundet eder averhalet med flegen, dy feal geven twe punt waffes thu eren lichten unde den vorforeven broke. Ouk feal erer eyn deme anderen neynen underkop dun. Ouk feal erer eyn deme anderen fynen Knechte niht untfuren bynnen deme verndel: wy darmede funden wert, dye feal breken eynes penninghes myn wen drye Schillinge, half der stad, half der Inninghe unde Kumpanye. Ouk feal nymant wedden hoger wen uppe drye Schillinge, unde hoger nicht. Ouk fcolen dy meystere fchikken unde liken, dat eyn jewelk feherer allike vele Scroder hebben thue Scheren geften by eren broke. Unde neyn Fuller feal fcheren mer wen graw unde wyt, unde dy eyn Fullermeyfter is, unde dye dy burfcap med uns hebbe, Ouk folen fye alle jare uppe funte wolburgen dage bringen teyn fchillinge penninghe uppe dat Radhus thu tynfe, unde kyfen twe meystere by eren eden, dy erer Inninge unde Kumpanye alder nuttefte fint, unde bringen dy mede unde laten dy fweren tu der Inninge unde Kumpanye rechticheit. Ouk fcolen fye alle ore rechticheit fuken vor den Rad in unfer stad: war en dar brok wert, also fcolen fye dat fuken, dar fye dat van rechtes wegen fuken feullen. Ouk fcolen fye neyne nye Sette dichten eder fchikken, wen hir vorforeven fteyd. Weret, dat fye wat beters irdenken eder dichten kunden, dat vor er werk were unde unhinderleken der stad; also fcolen fye komen vor den rad unde laten fik dat orloven unde stedigen. Ouk alle dy jene, dy deffe fettinge unde stedinge, dy hir vorforeven fteyd, wederype unde wederfunde van deffer Kumpanye eyn, aldar fcole wy Radmanne den meyfteren thu behulpen fyn. Desfer dinge fint thuge dy erliken Lude in deme jare Radmanne: Henning Palendorp, Heyne Vos, Kerften Tyfe, Meus Stremmen, Matthias Steven unde Henning Berteholz, unde hebben on deffen bryf laten befegelen nach rade der olden radmanne unde der vir Gilden unfer Stad. Na godes bord MCCCLXXXIII. vor pingften.

Nach Bratrings handschr. Urk.-Sammlung.

XXIV. Graf Ulrich verkauft der Stadt Neuruppin das Eigenthum des Dorfes Treskow, im Jahre 1395.

In Gades Namen Amen. Wy Ulrik, van Godes gnaden Greve thu Lyndow, bekennen — dat wy mit wolbedachten mude, vnd wytfcap, Rade unde vulbort vnfes lyven truwen Rades unde der Radmanne unfer stede Nyen Reppin, Grantzoye unde Wusterhufen vorkoft hebben unde vorlaten Erbarliken, recht unde redeliken unfen lyven truwen meynen borgheren unffer vorgehenden stad Nyen Reppin to ewigher nut, brukinge unde nutticheit derfulven Stad meynen Borghern unnde eren ewygen navolgheren, gantzen vulkommen unde ewygen eyghen unnde Herfchapp des dorpes Treskow, dat med syner veldmarke fchut an dy veldmarken derfulven stad, med alle syner navolge, thulygghinge unde thubehoringe bynnen dorpes unde buten dorpes, geyftlik unde werlik, numet unde unbenumet, med alle fynen fcheiden, med watern, watervlyte, weteringen, wesen, weyde, velden, veltboden, ackert unde ungeackert, holten, holtsteden, med wegen unde unwege, thu unde aff., Also wi med unfen liuen bruder, Hern Gunter, Greven thu Lyndow, unde unfen olderen Dat fulve dorp med alle fynen thubehoringhen bed an dese tyd vryeft hebben hat. Ouk hebbe wy gelecht unde legghen med or-

kunde desſes bryves Dat fulve Dorp med ſynen eyghen thu der ſtad nyen Ruppın unde ere veltmarken alfo gentzliken, oft id dar van older unde anbegyn hedde thugeleggen unde ghehort. Ouk wen dat richte deſſulven dorpes Treſkow thu derſulven ſtad kumpt; ſo mogen ſye uk nach eren wyllen unde behelcheit daſulue richte legghen, Rychten unde richten laten bynnen derſulven Stad. Ouk hebben wy vorfaket unde vorfaken erbarliken van unſer, unſers vorenanten broders, unſer erven unde nakomlinge wegen alles rechtis, anvallinge unde macht, Dy wy darynne hadden unde ouk hebben mughten in thukomen tyden. Unde hebben ghewyfet unde wyſen, med orkunde des fulven bryves, thu der fulven ſtad meynen borghern unde eren Radmannen van erer weggen alle dy jene, dy leen unde gud hadden an deme fulven dorpe unde ſyner thubehoringe. Unde hebben ſy ghefettet, unde by unſen lyven ghetruwen Deneken van Gulen inwyſen laten in dy were unde beſittinge deſſulven eyghens unde ſyner thubehoringhe, unde wyllen en des eyn recht ghewere weſen. Ouk hebbe wy, na rade unde vulbord unſes rades unde Radmanne der vorgnanden ſtede, uns gemechtighet unſes vorgnanten bruders an alle deſſen ſtucken. Hir hebben ſy uns vorghegeven unde rede betalet virtich mark fulvers, na wonliker were med guden beymefchen Kroſchen, Dy in unſe wytlike nut ſyn gekeret unde ghekommen. Ouk hebbe wy uns nicht beholden an den kerklene unde ſyner beſittinge thu Treſkow, mer dat heft ghevolget der meynen thubehoringen deſſulven dorpes van uns thu derſulven unſer ſtad nyen Ruppın unde thu den Radmannen derſulven ſtad van der ſtad wegen. Alle deſſe ſtucke unde eyn iſlik beſunder lave wy ſtede unde vaſte thu holdende ſunder jenigerleie wedderſprake, hulperede, Invindinge eder vtneminghe, dy ſchedeleken weſen moghen derſulven ſtad meynen unde Radmannen van der Stad wegen. Gheſchin in der parren der ſtad Nyen Ruppın uppe der Wedeme. Na Criſti bort MCCCLXXXV, des Mandages negeſt alle godes hilgen dage. Tuge deſſer dynck ſynt olde Claws van Tziten, Hermen Gadow, Deneke van Gulen, Hermen Nykamer unſe lyven ghetruwen, Her Cunrad Brechteke parrer thu Wuſterhuſen, Her Johan Bouwer parrer thu Wyltberge, Claws Bodtzin, Tideke Roſthufcher, Henneke Godberch, Coppe Wytte, Ebel van Glynde unde Cune Glude, Radmanne derſulven ſtad Nyen Ruppın: Claws Kuer, Koppe Zelubbe, Radmanne van Grantzoye, Mathias lunnigh, Hans vrye Radmanne van Wuſterhuſen unde velemer lovenwerdiger lude ghenuch, unde hebben thu groter thughinge unſe grote Ingeſegele med unſer wyfſchap laten henghen an deſſen bryff.

Nach Bratring's handschr. Urkundenſammlung und Campe's Mittheilungen.

XXV. Die Grafen Ulrich und Günther verzeihen zu einer Meßſtiftung in der Pfarrkirche zu Neuruppın eine Hebung aus dem Zolle daſelbſt, im Jahre 1396.

In gades namen Amen. Wy Vlrik unde Gunter, van gades gnaden greven thu Lindow, bekennen — dat dy vorſichtige man Kerſten Thytzen, unſe lyve getruwe borger thu nyen Ruppın, med vorgedachten vryen wyllen heft vor uns vorlaten unde luttelike dorch god thu Teſtament ſyner und ſyner olden Sylen ſalicheit gegeven eyn punt Brandenburg pennighe, nye unde wonliker munte, jerliker renthe an deme tolle unſer ſtad nyen Ruppın vorbenomet, thu vir tyden des jares upp thu borende van denjenen, dy den tol vorſteyt unde uppnemet, alfo thu wynachten vyff ſchillinge, thu paſcen vyff ſchillinge, uppe ſunte Johannis baptiſten dage vyff ſchillinge unde uppe ſunte Mychiles daghe vyff ſchillinge, ewychliken thu blyvende thu gude unde behuff der irſten myſſe, dy men